

so ervet de Moder nicht mehr / also ein van even Kinderen / edder
ock dat Steff-Kindt / so dat verhanden is.

Van Uthervinge.

CAP. X.

S dar jemandt van den Mit-Erven buten der Gemein-
schop unaffgedelet (unde ein van den / de noch in der
Gemeinschaft thosamende syn) stervet. So schal men
alle dat Guds unde Erbe deelen / also wen se alle (de in
der Gemeinschaft weren) leveden: Unde denne darna / deelen
alle de Ervename / dat Loth effte Deel / dat dem Vorstorvenen
thogefallen was / under sich alle.

Wen de eine Broder mehr Erbe nimpt / al-
se de ander.

CAP. XI.

Wen idt sich begyfft / dat ein Kindt / dat erst gebaren
is / sinen Halff-Broder / effte Halff-Suster mit
siner Moder ervet. Wovele Kinder darna ge-
baren werden / nimpt doch datsulvige erstgeba-
ren Kindt / wen de Deltunge schal gehalten werden / vor uth dem
Erbe / alle dat jennige / wat idt mit seiner Moder / na sinen Hal-
vesodsten geervet hefft: Unde geit darna gelike wol mit sinen
an-